

卷九十一

書名 藝文類聚一百卷
 嘉靖中天水胡纘宗刊本
 撰者 唐 歐陽詢 撰
 卷 卷九十一
 內容分類 子 類書 彙考 唐五代
 索書號 子部 類書 2
 編號 C5912500

藝文類聚卷第一

唐太子率更令弘文館學士歐陽詢撰

大部上 天 日 月 星 雲 風

天

闕易曰 哉乾元萬物資始乃統天雲行雨施品物流形大明終始六位

時成時 六龍以御天乾道變化各正性命 又曰立天之道曰陰與陽

又曰天 健 尚書曰乃命羲和欽若昊天 又曰皇天震怒命我文考

肅將天 禮記曰天地之道博也厚也高也明也悠也久也日月星辰

繫焉 論語曰天何言哉四時行焉百物生焉 老子曰天得

一以 春秋繁露曰天有十端天地陰陽水土金木火人凡十端天亦

喜怒哀 喜樂之心與人相副以類合之天人一也 爾雅曰穹蒼蒼天

也春 夏為昊天秋為旻天冬為上天 春秋元命苞曰天不足西

北 故天周九八十一萬里 渾天儀曰天如雞子天大地小

天 地各乘氣而立載水而浮天轉如車轂之運 黃帝素問曰

彩色首頁1

東洋文化研究所漢籍目錄 編號: C5912500
 東洋文化研究所漢籍目錄所藏漢籍善本文影像資料庫 索書號: 子部 類書 2
 漢籍善本文影像資料庫文本藝文類聚一百卷 嘉靖中天水胡纘宗刊本
 版權所有: 東京大學 東洋文化研究所 使用上的注意事項



殞而重辱有節俠之儀矩降居檀澤高處保岑遊不同嶺栖必異林若有
翻雄駭逝孤雌驚翔則長鳴挑敵鼓翼專場踰高越壑雙戟隻僵階侍斯
珥俯曜文墀成武官之首飾增庭燎之高暉 魏王粲鷓鴣賦曰惟茲鷓鴣之
為鳥信才勇而勁武服乾剛之正氣被淳駘之質羽翹晨風以群鳴震聲
發乎外宇厲廉風與猛節超群類而莫與惟膏薰之焚銷固自古之所咨
逢虞人而見獲遂因執乎縲纍賴有司之圖功不開小而漏微令薄軀以
免害從孔鶴於園湄 魏 晉郭璞鷓鴣贊曰鷓鴣之為鳥同群相為疇類被侵
雖死不避毛飾武士兼厲以義

藝文類聚卷第九十

藝文類聚卷第九十

鳥中 孔雀 鸚鵡 青鳥 鴈 鴉 鴨 雞 山雞

孔雀

春秋元命苞曰火離為孔雀 周書曰成王時西方人獻孔雀 楚辭曰
孔雀兮翠旌 孔雀之羽 鹽鐵論曰南越以孔雀珥門戶今貴其所饒非所
以厚中國也 神仙傳曰蕭史吹簫常致孔雀 漢書曰尉佗獻文帝孔
雀二雙 西域傳曰罽賓國出孔雀 續漢書曰西南夷曰滇池出孔雀
又曰西域條支國出孔雀 魏文帝詔朝臣曰前于闐王山習所上孔雀
尾萬枚文彩五色以為金根車蓋 望羅人眼 郭子曰梁國楊氏子年
九歲甚聰慧孔君平詣其父父不在 乃呼兒出為設果有楊梅孔指以示
兒此貴君家果兒應聲答曰未聞孔雀是夫子家禽 晉公卿贊曰世祖
時西域獻孔雀解人語馴相應節起 舞 楊孝元交州異物志曰孔雀人
拍其尾則舞 賦 魏揚脩孔雀賦曰 魏王園中有孔雀又在池沼與衆鳥

同列其初至也甚見奇偉而今行者莫不臨路侯感世人之待士亦咸如此故與志而作賦并見命及遂作賦曰有南夏之孔雀同號稱於火精寓焉虛以挺體會正陽之淑靈首戴冠以飾貌愛龜背而鸞頸徐軒翥以俛仰動止步而有程魏鍾會孔雀賦曰有炎方之偉鳥感靈和而來儀稟麗精以挺質生丹穴之南垂戴翠旄以表丹垂綠蕤之森纒裁脩尾之翹翹若順風而揚塵五色點注華羽參差鱗交綺錯文藻陸離丹口金輔玄目素規或舒翼軒峙奮迅洪姿或蹠賦曰戴綠碧之秀毛擢翠尾之脩莖紫之倏燦應晨風以悲鳴

鸚鵡

禮記曰鸚鵡能言不離飛鳥淮南子曰鸚鵡能言而不可使長言是得其所言不得所以言萬畢術曰乾翠一名鸚鵡斷舌可使言語吳時外國傳曰扶南東有漲海海中有洲出五色鸚鵡其白者如母雞異苑曰張華有白鸚鵡華每出行還輒說僮僕善惡後寂無言華問其故鳥云

見藏甕中何由得知公復在外令喚鸚鵡鸚鵡曰昨夜夢惡不宜出戶公猶強之至庭為鸚所搏教其啄鸚脚僅而復免宣驗記曰有鸚鵡飛集他山山中禽輒相愛重鸚鵡自念雖樂不可久也便去後數月山中大火鸚鵡遙見便入水濡羽飛而灑之天神言汝雖有志意何足云也對曰雖知不能救然嘗僑居是山禽獸行善皆為兄弟不忍見耳天神嘉感即為滅火沈約宋書曰謝莊為太子庶子時南平王鑠上赤鸚鵡普詔群臣為賦太子左衛率府袁淑文冠當時作賦畢賁以示莊莊賦亦竟淑見而歎曰江東無我卿當獨秀我若無卿亦一時之傑也遂隱其賦後漢禰衡鸚鵡賦曰時黃祖太子射賓客大會有獻鸚鵡者舉酒於衡前曰今日無以娛賓竊以此鳥自遠而至明慧聰善願先生為之賦衡筆不停綴文不加點選魏陳王曹植鸚鵡賦曰美洲中之令鳥超眾類之殊名感陽和而振翼遁太陰以存形遇旅人之嚴網殊六翻而無遺身挂滯於重縲孤雌鳴而獨歸豈余身之足惜憐眾雛之未飛分麋軀以潤鑊何全濟之敢希蒙含育之厚德奉君子之光輝怨身輕而施重恐往惠之中虧常

戰心以懷懼雖處安其若危永哀鳴以報德庶終來而不疲 魏應場鸚
 鸚賦曰何翩翩之麗鳥表衆豔之殊色被光耀之鮮羽流玄黃之華飾苞
 明哲之弘慮從陰陽之消息秋風厲而潛形蒼神發而動翼 魏陳琳鸚
 鸚賦曰咨乾坤之兆物萬品錯而殊形有逸姿之令鳥含嘉淑之哀聲抱
 振鷺之素質被翠羽之縹精魏王粲鸚鵡賦曰步籠阿以躑躅叩衆目之
 希稠登衡幹以上干噉哀鳴而舒憂聲嚶嚶以高厲又慄慄而不休聽喬
 木之悲風美鳴友之相求日奄藹以西邁忽逍遙而既冥就隅角而斂翬
 倦獨宿而宛頸 魏阮瑀鸚鵡賦曰惟翩翩之豔鳥誕嘉類於京都穢夷
 風而弗處慕聖惠而來徂被坤文之黃色服離光之朱形配秋英以離綠
 苞天地以耀榮 晉傅玄鸚鵡賦曰奇毛曜體綠采含英鳳翔鸞跨孔質
 翠榮發言輒應若響追聲 晉左九嬪賦曰色則丹喙翠尾綠翼紫頸秋
 敷其色春耀其榮 晉盧諶賦曰有遐方之奇鳥產瓜州之舊壤揮綠翰
 以運影啓丹觜以振響 晉傅咸賦曰有金商之奇鳥處隴坻之高松謂
 崇峻之可固然以慧而入籠披丹脣以授音亦尋響而應聲眇明眸以承

顏側聰耳而有聽口纔發而輕和密慰景而隨形言無往而不復似探幽
 而測冥自嘉智於君子足取愛而揚名 晉曹毗賦曰余在直見交州獻
 鸚鵡鳥嘉其有智歎其籠樊乃賦之曰其形則雉顧鵠眇鷹跼息丹喙
 含映細葩煥翼森森脩尾蔚蔚紅臆金采貞嬰於雙眸朱藻爛暉於首側
 晉相玄鸚鵡賦曰有遐方之令鳥超羽族之拔萃翔清曠之遼朗栖高松
 之幽蔚羅萬里以作貢嬰樊紲以勤瘁紅腹頰足玄領翠頂革好音以遷
 善効言語以自騁翦羽翮以應用充戲玩於軒屏 宋顏延之白鸚鵡賦
 曰雖言禽之末品妙六氣而剋生徃祕奇於鬼服來充美於華京恨儀鳳
 之無辨惜晨鷺之徒暄思受命於黃髮獨含辭而採言起交河之榮薄出
 天山之無垠既達美於天居亦儷景於雲阿漸惠和之方渥綴風土而未
 訛服璪翻於短衿仰梢雲之曾柯覲天網之一布漏微翰於山阿 宋謝
 莊赤鸚鵡賦曰徒觀其柔儀所踐頰藻所挺華景夕映容光晦鮮惠性生
 昭和機自曉審國音於寰中達方聲於裔表及其雲移霞峙霞委雪翻陸
 離暈漸容喬鴻軒躍林飛岫溢烟門煥若輕電集場圃曄若天桃被玉園

至於氣淳體浮霧下崖沉月圖光於綠水雲寫影於青林溯還風而聳翻
霑清露而調音 梁昭明太子鸚鵡賦曰有能言之奇鳥每知來而發聲
乍青質而翠映或體白而雪明豕前鈎而趨步翼高舞而翾翾足若丹而
三布目如金而雙圓晉郭璞山海圖贊曰鸚鵡慧鳥棲林啄藥四指
中分行則以觜自貽伊籠見幽坐伎

青鳥

山海經曰三危之山有青鳥居之青鳥主為西王母取食者引自棲息於此山也紀年曰穆王十
三年西征至于青鳥之所憇 漢武故事曰七月七日上於承華殿齋正
中忽有一青鳥從西方來集殿前上問東方朔朔曰此西王母欲來也有
頃王母至有二青鳥如烏使侍王母旁 又曰鈎弋夫人卒上為起通靈
臺常有一青鳥集臺上 晉中興書曰顏含嫂病困須蚺地膽不能得含
憂歎累日忽有一童子持青囊授含乃蚺膽也童子化為青鳥飛去 神
仙傳曰東陵聖母廣陵海陵人杜氏妻也學劉綱道坐在立亡杜公不信
誣言聖母作姦收付獄聖母從窻中飛去於是遠近為立廟甚有神驗常

有一青鳥在祭所人有失物者青鳥便飛集物上路無拾遺 晉郭璞
鳥贊曰山名三危青鳥所憇往來崑崙王母是隸穆王西征旋軫斯地

鴈

爾雅曰鳧鴈醜其足蹠蹠指間有蹠蹠屬相着方言曰自關而東謂之鴈 海內經
曰鴈門山鴈出其間在高柳北 禮記曰季冬之月鴈北向 周書曰白
露之日鴻鴈來寒露之日又來 儀禮曰婚禮下達納采用鴈 毛詩曰
雍雍鳴鴈旭日始旦 莊子曰山木以不材得終其天年出於山及邑舍
故人之家令堅子殺鴈烹之堅子請曰其一鴈能鳴其一不能鳴請奚殺
主人曰殺不能鳴者弟子問曰山中之木以不材得其天年主人之鴈以
不材而死先生何處焉莊子笑曰周將處夫材與不材之間乎 史記曰
蘇武在匈奴中昭帝遣使通和武思歸乃夜見漢使教使謂單于曰天子
射上林中得鴈足有係帛書言武等在其澤中使者如其言單于大驚乃
使武還 淮南子曰夫鴈從風而飛以愛氣力銜蘆而翔似備弋繳 說
苑曰秦穆公得百里奚公孫支歸取鴈以賀曰君得社稷之臣敢賀社稷

之福公不辭再拜而受 續漢書曰陳群父子並著高名世號三君每宰
府辟召常同時旌命羔鴈成群當世者靡不榮之 鄭氏婚禮謁文贊曰
鴈候陰陽待時乃舉冬南夏北貴其有所 會稽典錄曰虞國少有孝行
爲日南太守常有雙鴈宿止廳上每出行縣輒飛逐車旣卒於官鴈逐喪
還至餘姚住墓前歷三年乃去 盛弘之荊州記曰鴈塞北接梁州汝陽
郡其間東西嶺屬天無際雲飛風蕩望崖迴翼唯一處爲下朔鴈達塞矯
翮裁度故名鴈塞同於鴈門也 鄧德明南康記曰平固縣有覆笥山上
有湖周迴數十里有石鴈浮在湖中每至秋天石鴈飛鳴如候時也
魏應瑒詩曰朝鴈鳴雲中音響一何哀問子遊何鄉戢翼正徘徊言我塞
門來將就衡陽棲往春翔朔土今冬各南淮遠行蒙霜露毛羽日摧頽常
恐傷肌骨身隕沈黃泥 梁簡文帝賦得隴坻鴈初飛詩曰高翔憚闊海
下去怯虞機霧閣早相失沙明還共飛隴狹朝聲聚風急暮行稀雖彌輪
臺援未解龍城圍相思不得反且寄別書歸 夜望單飛鴈詩曰天霜河
白夜星稀一鴈聲嘶何處歸早知半路應相失不如從來本獨飛 梁沈約

詠湖中鴈詩曰白水滿春塘殊鴈每迴翔唼萍牽弱藻飲翻帶餘霜懸飛
竟不下亂起未成行刷羽同搖漾一舉還故鄉 梁劉孝綽賦得始歸鴈
詩曰洞庭春水綠衡陽旅鴈歸差池高復下欲向龍門飛 梁蕭子範夜
聽鴈詩曰天月廣夜輝遊鴈犯霜飛連翩辭朔氣嘹唳獨南歸夜長寒復
靜燈光暖欲微悽悽不可聽何況觸愁機 周王褒詠鴈詩曰伺朝聞曙
響如壟有春暈豈若雲中鴈秋時塞外歸河長猶可涉海闊故難飛霜多
聲轉急風踈行屢稀園池若可至不復怯虞機 周庾信賦得集池鴈詩
曰逢風時適度逐侶乍爭飛猶憶方塘水今秋已復歸 又詠鴈詩曰南
思洞庭水北想鴈門關稻梁俱可戀飛去復飛還 魏陳王曹植離繳
鴈賦曰余遊於玄武陂中有鴈離繳不能復飛顧命舟人追而得之故憐
而賦焉憐孤鴈之偏特情惆焉而內傷合中和之純氣赴四節而征行遠
玄冬於南喬避炎夏乎朔方挂微軀之輕翼忽頽落而離群旅朋驚而鳴
逝徒矯首而莫聞甘充君之下厨膏函牛之鼎鑊蒙生全之顧覆何恩施
之隆博於是縱軀歸命無慮無求飢食梁稻渴飲清流 晉羊枯鴈賦曰

鳴則相和行則接武前不絕貫後不越序齊力不期而並至同趣不要而自聚當其赴節則萬里不能足其路苟泛一壑則衆物不能易其所臨空不能頓其翼揚波不能滅其羽 晉孫楚鴈賦曰有逸豫之雋禽稟和氣之清冲候天時以動靜隨寒暑而污隆颺同集于曠野紛群翔於雲中翳朝陽之景曜角聲勢於晨風族類畢繁數則千億迎素秋而南遊昔青春而北息沂長川以鳴號凌洪波以鼓翼任自然而相伴窮天壤於八極

鵝

廣志曰駕鵝野鵝也 列子曰黃帝與炎帝戰以鵝鴈鷹鵠爲旗幟魯連子曰君鵝鴨有餘食士不足半菽 秦記曰符朗食鵝炙知黑白之處人不信既而試之果然 臨海記曰郡東南有白石山高三百餘丈望之如雪山上有湖古老相傳云金鵝所集八桂所植下有溪谷金光煥然事具桂部幽明錄曰晉義熙中羗主姚略壞洛陽陰溝取博得一雙雄鵝並金色交頸長鳴聲聞于九臯養之此溝 宋鮑昭野鵝賦曰入長羅之逼有負高繳之樊紫邈辭群而別偶超烟霧而風行踐非跡於瑤塗升弱羽

於丹庭望征雲而延悼顧委翼而目傷無青雀之銜命乏赤鴛之嘉祥空穢之園池特慙君之稻梁 晉蘇彥鵝詩序曰時暫出郡忽聞鵝鳴聲甚哀急乃云野人所致外吏規爲方便以俟送客聞之悵然又感莊生善鳴之鴈若其無音將充庖厨豈得放任矯翮籠樊 晉沈充鵝賦序曰于時有綠眼黃喙家家有焉太康中得大蒼鵝從喙至足四尺有九寸體色豐麗鳴聲驚人三年而爲燼大所害惜其不終故爲之賦云

鴨

廣雅曰鳧鵞鴨也 說文曰鵞野鳧也 毛詩曰將翔將翔戈鳧與鴈左傳公膳曰雙雞饗人竊更之以鵞子尾怒 楚辭曰寧與騏驥抗軛乎將與雞鵞爭食乎寧昂昂若千里之駒泛泛若水中之鳧乎 魯連子曰陳無宇謂門客曰昔荆來伐無一人死何國之寡士也門客對曰君車衣文儒士不得以爲綠鵞鴨有餘食士不足菽稗堂上有酒池士不得一嘗財者君所輕死者士所重若不以所輕與人而欲得人所重不亦難乎說苑曰鵞無他心故庶人以其爲費 廣志曰野鴨雄者赤頭有距鵞生百

卯一日再生有露華鷺以秋不生卯並出蜀晨鳧肥而耐寒宜為雁 焦
 贛易林曰鳧舞鼓翼嘉樂充德 風俗通曰王喬為鄴令每月朔望常自
 縣詣臺朝帝怪其來數而不見車騎密令太史伺望之言其臨至輒有雙
 鳧從東南飛來於是舉羅張之但得一隻鳥是先所賜尚書官屬履也
 廣州先賢傳曰頓琦至孝母喪感慕哀聲不絕有飛鳧白鳩棲廬側見人
 即去見琦而留又卜密遭父艱有飛鳧一雙游密廬旁小池見人則馴附
 如家所畜後遭母喪密歸至所居一宿故雙鳧復游戲池中 吳錄曰婁
 縣有石首魚至秋化為寇鳧鳧頭中猶有而也 南越志曰化蒙縣祠山
 上有池池中有松鳧如今野鳧栖息松間故俗謂之松鳧 梁簡文帝
 詠單鳧詩曰銜苔入淺水刷羽向沙洲孤飛本欲去得影更淹留 又詠
 寒鳧詩曰迴水浮輕浪沙場弄羽衣眇眇隨山及離離傍海飛 隋江總
 賦得汎汎水中鳧詩曰歸鳧沸卉同亂下方塘中出沒時銜藻飛鳴忽颺
 風浮深或不息戲廣若乘空春鷗徒有賦還笑在金籠 晉蔡洪關鳧
 賦曰嘉乾黃之散授何氣化之有靈產羽蟲之麗鳥惟關鳴之最精鳧雞

午之淑氣體鸞鳳之妙形服文藻之華羽備豔采之翠英冠葩綠以躍首
 綴素色以點纓性浮捷以輕躁聲清響而好鳴感秋商之肅烈從金氣以
 出征招爽敵於戲門文武勢於川庭爾乃振勁羽竦六翮抗嚴趾望雄敵
 忽雷起而電發赴洪波以奮擊 宋王微野鷺賦曰翱翔雙鷺體葦羽微
 和鳴愧雁麗采慙鸞仰鵠推高瞻隼憚威遵時弄音假日于飛爾乃湛淡
 楊瀾俛仰威疇心矜遠野意惕近洲 齊謝朓野鷺賦曰夫何羅人之伎
 巧薦江海之逸禽落摩天之迅羽絕飛驚之好音碎文錦之丹臆納綺綠
 之翠衿孤雛喧而靡翼羈雌叫而莫尋 梁劉孝儀為晉安王謝賜鵝
 鴨啓曰形類沈文經符陶記晉臣羞筮吳 魏未占復有背如車蓋賀垂却
 月口疑犀稜脚似魚懸出九芝之池去千金之沼

雞

爾雅曰雞大者蜀蜀子鷄絕有力奮雞三尺為鷄 春秋運斗樞曰王衡
 星精散為雞 又說題辭曰雞為積陽南方之象 離為日積陽之象也 火陽精物美
 上故陽出雞鳴以類感也 類見而鳴也 易曰巽為雞 雞知時號 周官曰

工商執雞取其守時而動毛詩曰君子于役不知其期曷至哉雞棲于埘埘壘墻而棲曰埘

又曰雞棲于桀桀於桀又曰風雨思君子也亂世不改其度焉風雨凄凄

雞鳴喈喈風雨如晦雞鳴不已 禮記曰子事父母雞初鳴咸盥漱 又

曰季冬之月雉雊雞乳 左傳曰季郈之雞季平子郈昭伯二家相近故雞鬪季氏芥

其雞播其羽羽子郈氏為之金距平子怒怒其下已又曰賓孟適郊見雄雞自斷

其尾問之侍者曰憚為犧也 越絕書曰雞山者句踐以畜雞將伐吳以

食死士 列子曰紀渚子為周宣王養鬪雞十日而問之雞可鬪乎曰未

也方虛驕而恃氣十日又問之曰未也猶疾視而盛氣十日又問之曰幾

矣望之如木雞其德全矣異雞無敢應者也 莊子曰莊子謂惠子曰羊

溝之雞司馬彪曰羊三歲為株相者視之則非良雞也然而數以勝

人者以狸膏塗其頭狸雞畏也又曰如雞搏狸 又曰越雞不能伏鵠卵 燕

丹子曰燕太子丹質於秦逃歸到關丹為雞鳴遂得逃歸 呂氏春秋曰

善學者若齊王之食雞也食其蹠數千而後足 戰國策曰秦惠王謂寒

泉子曰蘇秦欺弊邑欲以一人之智反覆山東之君夫諸侯之不可一猶

連雞之不能俱止於棲也 史記曰子路性鄙好勇力冠雄雞佩豚豚殘

暴孔子孔子乃設禮義稍誘之子路乃委質請為弟子 又曰武帝得越

巫立越祀而以雞卜上信之 玄中記曰東南有桃都山上有大樹名曰

桃都枝相去三千里上有天雞日初出照此木天雞即鳴天下雞皆隨之

韓詩外傳曰田饒事魯哀公而不見察哀公曰臣將去君黃鵠舉矣哀公

曰何謂也饒曰君不見夫雞乎頭戴冠者文也足搏距者武也敵在前敢

鬪者勇也見食相呼者仁也守夜不失時者信也雞雖有五德君猶日食

而食之者何也以其所從來近夫鵠一舉千里止君園池食君魚鼈啄君

黍梁無此五德者君猶貴之以其所從來者遠也 漢書曰王奉光好鬪

雞宣帝微時數與奉光會後即位封印成侯 又宣帝微時鬪雞於杜鄠

之間 又曰龔遂為渤海太守使民家養五雞 又曰宣帝時或言益州

有金馬碧雞可醮而致之於是遣王褒持節求焉驗似雞淮南子曰雞

將知旦鵠知夜牛 范曄後漢書曰河南樂羊子妻不知何氏女常有他

舍雞謬入垣內姑盜殺食之妻對雞不食而泣姑怪問之妻曰自傷居貧

夫

使食有他肉姑竟棄之 論衡曰傳言淮南王得道畜產皆仙犬吠天上
雞鳴雲中 又曰孟嘗君叛出秦關雞未鳴關不開下座賤客鼓臂爲雞
鳴而羣雞和之乃得出關夫牛馬以同類相應而雞人亦以殊音相和應
和之驗未足以效同類也 列仙傳曰祝雞公者雒陽人居尸鄉北山下
養雞百餘年雞皆有名字千餘頭暮栖于樹晝以放散呼名即種別而至
廣志曰雞有胡髯五指金散白雞金散者善奮并州所獻吳中送長鳴雞
魏志曰馬韓國出細尾雞其尾長五尺餘 九州春秋曰魏王入漢中討
劉備不得進意欲棄之乃發令曰雞肋踈屬不知何謂主簿楊脩曰夫雞
肋棄之則可惜噉之無所得以比漢中王欲去也乃白魏王遂還 吳錄
曰魏文帝遣使求長鳴短鳴雞羣臣以非禮欲不與孫權勅付之 南越
曰雞冠四關如蓮花鳴聲清澈 江表傳曰南郡獻長鳴承露雞 吳時
外國傳曰扶南王范尋以鐵爲關雞假距與諸將賭戲 博物志曰祝雞
養雞法今世人呼雞云祝祝起此也 幽明錄曰晉兗州刺史沛國宋處
宗嘗買得一長鳴雞愛養甚至恒籠著窓間雞遂作人語與處宗談論極

有言致終日不輟處宗因此言巧大進 述異記曰雩都縣江邊有石室
常有神雞色如金出穴奮翼長鳴見人輒飛入穴因號爲金雞穴 魏
劉禎鬪雞詩曰丹雞被華采雙距如鋒芒願一揚炎威會戰此中唐利爪
探玉除瞋目含火光長翹驚風起勁翮正敷張輕舉奮勾喙電擊復還翔
魏陳王曹植鬪雞詩曰遊目極妙伎清聽厭宮商主人寂無爲衆賓進樂
方長筵坐戲客鬪雞間觀房群雄正翕赫雙翅自飛揚揮羽激流風博目
發朱光背落輕毛散嚴距往往傷長鳴入青雲扇翼獨翱翔願蒙狸膏助
常得擅此場 魏應瑒鬪雞詩曰戚戚懷不樂無以釋勞勤兄弟遊戲場
命駕迎衆賓二部分曹伍群雞煥以陳雙距解長綵飛踊超敵倫芥羽張
金距連戰何繽紛從朝至日夕勝負尚未分專場駁衆敵剛捷逸等群四
坐同休贊賓主懷悅欣博奕非不樂此戲世所珍 梁簡文帝鬪雞詩曰
玉冠初警敵芥羽忽猜儔十日驕既滿九勝勢恒適脫使田饒見堪能說
魯侯 又雞鳴詩曰埭雞識將曙長鳴高樹巔啄葉疑彰羽排花強欲前
意氣多驚舉飄颺獨無侶陳思助鬪協狸膏邱昭如敵安金距丹山可愛

有鳳皇金門飛舞有鴛鴦何如五德美豈勝千里翔 梁劉孝威雞鳴篇
曰丹雞翠翼張如敵得專揚翅中含芥粉距外矚金芒願賜淮南藥一使
雲間翔 周庾信鬪雞詩曰開軒望平子驟馬看陳王狸膏燠鬪敵芥粉
塹春場解翅蓮花動猜群錦臆張 周王褒看鬪雞詩曰蹊蹠始橫行意
氣欲相傾妬敵金芒起猜群芥粉主入場疑挑戰逐退似追兵誰知函谷
下人去獨開城 陳徐陵鬪雞詩曰季子聊爲戲陳王欲騁才花冠已衝
力金爪復驚媒鬪鳳羞衣錦雙鸞耻鏡臺陳倉若有信爲覓寶雞來 陳
周弘正詠老敗鬪雞詩曰少壯摧雄敵眴視生猜忌一隨年月衰摧頽落
毛馱閑觀春光滿東郊草色異無復先鳴力空餘擅場意 晉傅玄鬪
雞賦曰或躑躅踟躕喙容與或把地俯仰或撫翼未舉或狼顧鴟視或
鸞翔鴟舞或佯背而引敵或畢命於強禦於是紛紜翕赫雷合電擊爭奮
身而相戰兮競隼鷲而睨得勢者凌九天失據者淪九地 晉陸善長
鳴雞賦曰美南雞之殊偉察五色之異形何伺晨之早發抗長音之逸聲
晉習遐長鳴雞賦曰嘉鳴雞之令美智窮神而入靈審璇璣之廻遽定昏

明之至精應青陽於將旦忽鷓立而鳳停乃拊翼以讚時遂延頸而長鳴
若乃本其形像詳其羽儀朱冠玉璫彤素並施紛葩赫奕五色流離殊姿
豔溢彩耀華披羽六翻以增暉舒毳毛而下垂 晉湛方生長鳴雞贊
曰精心妙覺獨曉冥冥風雨如晦不憊其鳴 梁劉孝威正旦春雞贊曰
寶雞陳倉祠光表神雄飛帝漢雌鳴霸秦排膺激怒礪翅張噴電鞭失焰
雷車折輪助標魏教擅場齊珍名流晉戟歌傳漢臣竊脂善盜搏穀難馴
綠鸚智淺蒼鷹害深兼姿五德歸于翰音 宋袁淑排諧記雞九錫文
曰維神雀元年歲在辛酉八月己酉朔十三日丁酉帝顓頊遣征西大將
軍下雉公王鳳西中郎將白門侯扁鵲杏爾俊雞山子維君天姿英茂乘
機晨鳴雖風雨之如悔抗不已之奇聲今以君爲使持節金西鑿校尉西
河太守以揚州之會稽封君爲會稽公以前浚雞山子爲湯沐邑君其祇
承予命使西海之水如帶浚雞之山如礪國以永存爰及苗裔浚山侍郎
丁鴻舍人鳧亭男梁鴻郎中蘇鵠死罪伏惟君德著朝野勳加鸞鷲故天
王鳳皇持錫位封今鳳鵠等在栢外願時拜受不勝欣豫之情謹詣栢下

以聞

山雞

魏志曰平原太守劉亦取山雞毛著器中使管輅筮之輅曰高岳巖巖有鳥木身羽翼玄黃鳴不失晨此山雞毛也一異苑曰山雞愛其毛映水則舞魏武時南方獻之帝欲其鳴舞而無由公子蒼舒令以大鏡著其前雞鑿形而舞不知止遂乏死韋仲將為之賦甚美 笠法真登羅山疏曰山海經云鷺雉一名山雞養之穰火災 辛氏三秦記曰陳蒼山在太白之西上有石雞與山雞趙時差使燒山山雞飛去石雞不去晨鳴山頭聲聞三十里或云是玉雞 南越志曰曾城縣多鷓鴣鷓鴣山雞也利距善闘世以家雞鬪之則可擒也光色鮮明五采炫燿 晉傅玄山雞賦曰惟南州之令鳥兼坤離而珍被黃中之色敷文象以飾身翳景山之竹林超遊集乎水濱鑿中流 顧影晞雲表之清塵 宋臨川康王山雞賦曰形鳳婉而鵠時羽袞蔚 湘暉臨淥湍而映藻傍青崖而妍飛不隱耀而貽累倏見屈於虞機

鷹

爾雅曰鷹鷓鴣鳩 又曰鷹隼醜其飛也 輦 廣志曰有雉鷹有菟鷹

一歲為黃鷹二歲撫鷹三歲青鷹胡鷹獲鷹 春秋緯曰 光星散為鷹

毛詩曰維師尚父時惟鷹揚 周書曰驚蟄之日鷹變為鳩處暑之日鷹

乃祭鳥 左傳曰子云少皞氏爽鳩氏司寇也 鷹也 又子產始知然明問

為政對曰視民如子見不仁者誅之如鷹鷂之逐鳥雀也 戰國策曰唐

睢謂秦王曰要離刺慶忌蒼鷹擊於殿上 京房占曰七月鳩化為鷹

漢書曰孫寶為京兆尹請故吏侯文為掾立秋日文謂寶曰今鷹隼始擊

當順天氣成嚴霜之誅 東觀漢記曰鄧太后臨朝上林鷹犬悉斥放之

馬融與謝伯世書曰憤憤愁思猶不解懷思在竹間放狗逐麋晚秋涉冬

大蒼出籠黃棘下兔毛以乾菜以送餼日茲樂而已後 幽明錄曰楚文

王時有人獻一鷹俄而雲際有一物益八翔鮮白鷹便竦翮而升頃臆羽墮

如雲血下如雨有大鳥墮地兩翅廣數十里衆莫能知時博物君子曰此

鵬鷁也 魏志曰呂布因陳登求徐州牧不得布怒登喻之曰登見曹公

言待將軍譬如養虎當飽其肉不則噬人公曰不如卿言譬如養鷹飢則為用飽則揚去布乃解
詩 晉張華游獵篇曰如黃狔狡勇青散撮飛雉鵠鷺不盡收小鳥安足視
詩 晉傳女鷹賦曰左看若側右視如傾勁翮二六機連體輕勾爪懸芒足如枯荆其利吳戟目穎星明雄姿逸世逸氣橫生 晉孫楚鷹賦曰有金剛之後自而生井陘之巖阻超萬仞之崇巔蔭青松以靜處體勁悍之自然振肅肅之輕羽擒狡兔於平原截鶴鴈於河渚且其為相也疏尾闊臆高髻禿顙深目蛾眉狀似愁胡曲背短頸足若雙枯麾則應機招則易呼昔碣石以四遊經馬嶺而南徂于時商秋既過歲在玄冥風霜激厲羽毛振驚爾乃坐求良驥服羔裘鞞青散戲田疇繁深谷繞山丘定心意審精眸獸馳厥足山鳥矯其翼下赴幽谿上翔辰極隨指授以騰踊因升降以畢力紛連簿以相按竄遂陷首以摧臆

鷓鴣

爾雅曰鷓負雀鷓也 廣雅曰籠脫鷓也 周易曰公用射隼于高墉之上 毛詩曰鷓彼飛隼載飛載揚 詩義問曰晨風今之鷓餘說並以詩

義疏曰隼鷓也齊人謂之題肩 或曰雀鷹春化為布谷此屬數種皆為隼周官考工曰鳥旗七游鳥隼國 語曰仲尼在陳有隼集于庭而死楛矢貫之以問仲尼仲尼曰昔武王克商國所得也 莊子曰鷓為鷓鷓為布穀布穀復為鷓此物變也 列士傳曰 魏公子無忌方食有鳩飛入案下公子使人顧望見一鷓在屋上飛去公 子乃縱鳩鷓逐而殺之公子暮為不食

曰鳩避患歸無忌竟為鷓所得吾 貝之為吾捕得此鷓者無忌無所愛於是左右宣公子慈聲旁國左右捕得鷓二百餘頭以奉公子公子欲盡殺之恐有辜乃自按劍至其籠上曰誰 獲罪無忌者耶一鷓獨低頭不敢仰視乃取殺之盡放其餘名聲流布天下歸焉 焦贛易林曰無妄之明夷曰千雀萬鳩與鷓為仇威勢不敵為 鷹所擊 魏陳王曹植鷓雀賦曰鷓欲取雀雀言自雀微賤身體些小 肌肉瘠瘦所得蓋少君欲相噉實不足飽鷓得雀言初不敢語頃來轍輒 貪糧之旅三日不食略思死鼠今日相得寧復置汝雀得鷓言意甚征營 性命至重雀鼠貪生君得一食我命是傾皇天降鑒賢者是聽鷓得雀言 息甚沮惋當死弊雀頭如菓蒜不早

首服列頸大喚行人間之莫不往觀雀得鷓言意甚不移目如掌椒跳蕭
二翅我雖當死略無可避鷓乃置雀良久方去二雀相逢似是公姬相將
入草共上一樹仍共木末辛苦相語向者近出為鷓所捕賴我翻捷體素
便附說我辨語千條萬句欺恐舍長令兒大怖我之得免復勝於兔自今
從意莫復相如

藝文類聚卷第九十一

藝文類聚卷第九十二

鳥部下 鳥

鵲

雀

鷺

鳩

鴟

百舌

倉庚

鷓鴣

斲木

鴛鴦

鴝鵒

鷓鴣

白鷺

鷓鴣

鷓

鵬

精衛

輩翠

服鳥

鳥

爾雅曰鳶鳥醜其飛也翔 又曰鷓 濁山鳥 又曰燕曰脰鳥 春秋運

斗樞曰瑶星散為鳥 廣志曰鳥有白鷓鳥 毛詩曰具口予聖誰知鳥

之雌雄 時君臣賢愚 適同如鳥也 又曰瞻鳥爰止于誰之屋 集富人 之屋也 又曰弁彼鷽斯歸

飛提提 雅鳥一 日鶴居 左傳曰楚子元以車六百乘伐鄭諸侯救鄭楚師夜遁鄭

人將奔桐丘謀告曰楚幕有鳥乃止 又曰晉侯伐齊齊師夜遁師曠告

晉侯曰烏鳥之聲樂齊師其遁 鳥鳥得空 營故樂 叔向告晉侯曰城上有鳥齊師

其遁 春秋元命苞曰火流為鳥鳥孝鳥何知孝鳥陽精陽天之意鳥在

日中從天以昭孝也 太公六韜曰武王登夏臺以臨殷民周公旦曰臣

聞之愛其人者愛其屋上鳥憎其人者憎其餘胥 燕丹子曰燕太子丹